



Universitätsbibliothek Paderborn

**De Honore, Dignis Vel Indignis, Jvste Vel Invste, Deo
Semper Jvstissimo, Dato, Negato, Violato**

Stengel, Georg

Ingolstadii, 1650

§. 1. Ab honoribus artes, & artifices inuitari.

[urn:nbn:de:hbz:466:1-48689](https://nbn-resolving.de/urn:nbn:de:hbz:466:1-48689)

CAPVT VII.

*Per laudem gloriamq; humanam, multos
non solum ad artes, verum etiam ad
virtutes fuisse excitatos.*

§. I.

Ab honoribus artes, & artifices inuitari.

Quam vtiles, immo quam necessariae sunt mortalibus artes in hac vita, quotidie experimur. Atqui honor ad artes quarendas homines incitat, ad inueniendas iuuat, roborat ad amplificandas. Vetus enim a Platone dictum illud transtulit Cicero. *Ionus alit artes.* Sicut igitur veterum heroum quo quisque ingeniosior erat, eò liberalium artium cognitione magis delectabatur; quæ delectatio ut cresceret, præmijs nouarum artium inuentores, vel magistros incitauerunt. Quemadmodum enim agri & horti fertiliores siunt, si largiter irrigentur, ita bona artes eximiaque ingenia liberalitate, honorificentia, & benignitate magis efflorescunt, si habeant fautores. *Da Mecenates plures, plures habebis Marones,* inquietabat ille. Erat enim ille Poetarum amantissimus, ut eis benefacere vellet: erat ditissimus, & Augusto ex intimis,

Cic. lib. i.
Tuscul.

intimis, ut benefacere posset. Et quis est mortalium omnium, qui non, si laborum suorum fructum speret, ad quidvis promtior alacriorque efficiatur? Quare mirandum non est, olim tot artes repertas esse atque studia litterarum tantopere floruisse, cum prisci proceres tam grati, tamque munifici fuerint aduersus eos, qui doctrina, peritiaque liberalium, immò etiam mechanicarum artium excelluerunt. Olim, quando viri docti & prudentes rerum potiebantur, viros quoq; doctos honorabant; nunc quia s̄epe rudes ad clavum promouentur, vel grassantur, doctos despiciunt: olim eruditos fouebant; nunc eosdem deprimunt: olim amabant, colebant, locupletabant rerum spertos; nunc vel inuidi, vel sordidi, vel morosi sunt erga eosdem; quia non intelligunt eorum labores, neque experti sunt molestias, quas illi subierunt. Denique ars non habet osorem, nisi ignorantem; si enim pretium illius apprehenderet mente, propter artem amaret artificem imperitus. Nimirum quò indoctior est quisque, & imprudentior, enim uero stolidior, eò sua magis aestimat, magisque deprimit aliena. Ab hoc errore, ut homines abducerentur, atque

vt

vt omnia ex industria facere assuescerent,
voluit diuina sapientia , & artes , & virtu-
tes, honoribus acui. Siquidem, vt Claudia-
nus canit,

Egregios innitant pramia mores.

Et quamuis multi boni artifices malis sint
moribus , tamen etiam hoc sæculo à multis
honorantur, ob vtilitatem. Apud Thessa-
los capitale est, occidere ciconiam , non ob
aliud, nisi quòd serpentes interficiat : par-
citur & apud Britannos miluis , quòd vr-
bem raptis extis repurgent : ita & opifici-
bus & artificibus quibusdam bibulis , & ga-
neonibus, honor, habetur , non quòd ipsi
digni sint, sed quòd illorum opera nobis sint
vsui. Apollonius rogatus à Babyloniarœ rege,
quomodo tutò regnare posset, *Si multos in-*
quiebat, honoraueris , paucis verò credideris.

Cladian:

in laud.

Stilico-

nis pa-

neg. 2.

Bruson,

lib. 3.

S. II.

Quantopere olim Poëtæ sint honorati?

Quantum stimulum artificibus adiecit
Alexander Macedo , cùm edicto vetuit , ne
quis se præter Lysippum ære , Praxitelem
marmore , Apellem coloribus fingeret ? Ti-
tillauit & Æschylum mirificè , quòd popu-
lus Atheniensis statuerat , vt solius illius fa-
bulæ post eius mortem referrentur. Hinc
falsum